

陶

齋

臧

石

記

句齊臧石記卷二十七

唐十一

蕭俱興墓誌

石高一尺二寸三分寬一尺一寸八分十八行行十字八字字徑一寸五分殘弱不等有墓格蓋高寬各六寸二行行二字字徑一寸僅殘弱不等右行缺正書

蕭公墓誌

並

蕭君墓誌銘

并序

蕭氏之先蘭陵人也因高祖釋庸任巖州刺史回官遂為相州安陽人也名俱興少而高節長而堅強夫人李氏當代名流洛浦之姿巫山之質祖父軒車一門朱紫不幸凋殞公以乾元二年四月

十五日崩背卒於私家春秋五十二夫人大厯十四年九月十三日宣於寢室春秋七十四即以大厯十五年正月丁卯朔十六日壬午啓舊殯崇新塋於安陽高平村東北半里平原禮也西太行山天地之壯界東郡城衣冠之熱集南孫登館宇北洹水清零祠子子昂海淨江澄忠信之士鄉邦稱美貞士為塋三年以杖七日絕榮惡年代改移故刊石立銘其詞曰

高山万仞園木千尋花葉璀璨顏色深沉其一夫人李氏貞潔過人豐肌南國美白東隣一朝零落化而為薪其二天地運行万物迴薄春日取榮秋乃凋落如何斯人見此銷鑠泉門一閉兮長夜寐寤看夜臺之如斯成万古之蕭索

誌稱蕭君因高祖釋庸任巖州刺史因官遂為相州安陽人

按新唐書地理志武德二年以林慮縣置巖州

舊書云武德三年置巖州

領林慮一縣

五年州廢縣屬相州則釋庸為刺史在武德初年矣

蕭君殯於安陽高平村東北下云南孫登館宇北洹水清零

謹按

大清一統志孫登石室在安陽縣西四十八里仙

人澗南深廣可一丈

郭乘云在縣西南四十八里縣南中當有人導小碑於洞中刻樂方數十通按

云在縣西南尤與誌合

洹水俗謂之安陽河自山西潞安府長子縣流

入經林縣東北又流經安陽縣北

府志在府北四里

又東流經內黃

縣西北入衛河誌美蕭君夫人有云洛浦之姿巫山之質豐

肌南國美兒東鄰唐時煩人碑詔此等語不以為諱大將軍

吳文碑云夫人李氏圓姿替月潤臉呈花葉九來先生謂猶有碩人詩意此可為知者道耳

王却墓誌銘

石高一尺二寸二分微強廣一尺二寸五分二十一行行二十五字正本行書

大唐故奉義郎行京兆府涇陽縣主簿王府君墓誌銘并序

中大夫恩王府司馬賜紫金魚袋嗣澤王潤撰并書

公諱却字文秀琅耶臨沂人也 曾祖同皎駙馬都尉琅耶父烈公贈太子少保尚定安長公主 祖錄駙馬都尉琅耶懿公贈太子太傅尚永穆長公主父訓累授光祿卿娶嗣紀王緘誠之季女公聰明生知忠孝天與出身從仕為眾所知不以得失建懷不以

喜怒形色謙以自牧寬以養閑足可永保盛名尅終天壽公自弘
文館明經鄆州弘農尉次任揚州江陽主簿考秩尋滿蹉跎江鄉
累佐諸使勤勞偕著名績時稱以去年入調長安天官以書判取
人授公京地府涇陽主簿今春季月遂赴所任宿疾不瘳漸嬰巖
瘵千機万療神道何依以其年八月九日終于萬年縣興寧里永
穆觀之北院享年五十七嗚呼淮水不絕君家自昌豈齋藥餌不
靈與物爭謝故知脩短是定古亦無替夫人則祕書監贈揚州大
都督嗣澤王德長女潤之姑也居家守禮出事恭儀泝順不虧天
生自得公任弘農日染疾不起權殯於縣界長子貞素泣血號天
柴毀過禮終身之痛唯茲是憂遂策杖於弘農扶設棺槨將及合

附公有子二人次曰貞鑑女一人猶未及笄出我家也後娶楊氏
有子三人女二人楊氏與貞鑑尚家惟楊嗟之道路遐遠報不及
期以其年閏十月七日卜擇於萬年縣漣川鄉先塋之側也貞素
以東海尚寢陵谷恐平啓潤紀之來乎不朽潤以天倫之痛內兄
之哀託石叙情備於歲月慙無刀翰有媿于文樞管勸傷銜悲述
作銘曰

天不藏寶必降賢良公貞有度雅淵無量將永保於閨祿何忽變
為代傷嗚呼郊原窸窣松栢蒼蒼嗟白日之晝短痛泉臺之夜長
右誌據新書同皎傳睿宗立詔復官爵諡曰忠壯此誌作文
烈與本傳不同又贈階有太子少保為史所未及新書同皎

傳後附子錄尚永穆公主生子潛字弘志太和初以檢校尚書左僕射卒於官唐書同錄之蓋懿傳亦未載如之父訓當與潛為昆弟所云娶嗣紀王纖誠之季女按舊書紀王慎傳中興初封慎少子纖誠為嗣此云嗣紀王即其人而纖鐵互異却以宏文館明經號州宏農尉次任楊州江陽主簿地理志揚州領七縣其二江陽貞觀十八年析江都置又誌云入調長安天官以書判取人授京兆府涇陽主簿唐書選舉志吏部考選人之法三曰書楷法道美四曰判文理優長此云書判取人指此百官志武后光宅元年改吏部曰天官天官十一載改曰文部至德二載復舊誌猶云天官取人乃襲

武后舊稱亦為不實又按選舉志宏文館生三十人內有皇
總麻以上親學生通二經俊士通三經如以公主之孫為皇
親故從宏文館生以明經出仕也如終於萬年縣興甯里永
穆觀之北院宋敏求長安志有興甯坊坊即里也唐碑
多書坊為里內有
華封觀無永穆觀名晉書王導傳郭璞為導筮卦成璞曰吉
無不利淮水絕王氏滅其後子孫繁衍竟如璞言誌云淮水
不絕君家自昌正用其語如之夫人嗣澤王德之女新書澤
王上金傳于義珣薨子惠嗣潤為德子是如為德壻潤之姊
夫故潤為之撰誌百官志從四品下曰中大夫恩王連乃代
宗子誌中不載年號據潤為恩王府官如應卒於大曆之後

宋敏求長安志萬年縣下自注云唐四十五鄉此誌言涇川鄉當在其內可以援畢氏例補入又云慙無刀翰漢書蕭何傳顏師古注刀所以削書古者用簡牒故以刀筆自隨此言刀翰借以示古誌中楊州維揚俱從木旁尚與古合若樓應作樓朽應作朽其擇樓等字古木旁多易潤作手旁此又不足究矣

銘斷案即父訓自有墓誌即淵父誌撰錢平武王諸家並著錄云要儀誌季女此作儀誌當由筆誤

宋儼墓誌

石高一尺五寸六分寬一尺六寸十六行行三十一字至三十
九字不等字徑三分至五分寸不等正書有直綫格四圍有花紋
通蓋高一尺五寸七分寬一尺五寸五分二行行二字字徑二
寸篆書有綫格四圍有十二地支肖像及范錢通

宋公之銘

故雲麾將軍守左金吾衛大將軍試鴻臚卿上柱國宋公墓誌銘

并序

祖諱仁貴

男長豐縣丞再興

次子太子

次子再榮

府君宋公諱儼西河郡人也宿著天雅英雄越風當才用武文烈古今料敵先鋒決勝千里衝突兵衆無氣橫屍建中二年七月出
制城奉 恩命 元戎未公我神將府君宋公親領甲兵收掌恒
史圖深州剋伏其年十一月破恒史節度張惟岳十萬餘人積屍
遍野收聚屍骸埋築丘塚何期 國家負德不與功勲反禍燕師
授太原河東節度馬遂惡奏先領朔方兵甲隴右道李懷光領秦
兵及殿前兵馬同廿餘萬屯營魏博河河西側我幽州節度并以
恒冀兵馬建中三年三月離深州至魏貝相去秦兵十里屯營

鼓烈陣弓矢相交六月卅日破馬遂兵馬廿餘方積屍遍野血流
御河我府君名將節操衡□先鋒決命於先不顧殘軀名播後世
何期運命將終逝水長流永絕平於此日陣也享年春秋卅有八
嗚呼痛哉哲仁亶矣愁雲位垂悲風慘色為此忠効 異國王封
子長豐縣丞報其名父 夫人公孫氏孀居巨歲撫育家業禮有
曹家之誠孝絕孟母之慈齊眉雙明琴瑟同韻何期先亶於前卜
嗟良曰建中四年歲次癸亥四月丁未朔七日癸酉葬於幽州昌
平縣東北十里武安鄉墳開數仞後摧月堦堆阜千重橫瞻玉樓
右帶房山之秀右臨滄海之涯宜其備矣镌石千古万世銘曰

名將賢良

貞幹負霜

榮枯万世

惟德洋洋

唐宋儼墓志正書新出昌平土中蓋朱滔之偏裨陳沒於愜山之戰者志云元戎朱公又云冀國王即朱滔也滔建中三年自稱冀王志又云建中二年三月出薊城親領甲兵收掌恆定圓深州十一月破恆定節度張惟岳十萬餘人校通鑑建中二年正月成德節度使李實臣卒子惟岳求旌節不許惟岳與田悅連兵拒命詔馬燧討悅又詔幽州留後朱滔討惟岳滔攻東鹿拔之圍深州又戰於東鹿下惟岳大敗皆與志合李實臣本張忠志賜姓名故云張惟岳也志又云國家負德不與功勲反禍燕帥受太原河東節度馬燧惡奏先領朔方兵甲隴右道李懷光領秦兵及殿前兵馬廿餘萬屯營魏州御河西側通鑑滔求

深州不許由是怨望遂與武俊東救田悅是時河東節度使馬
燧昭義節度使李抱真神策先鋒都知兵馬使李晟共圍魏屯
御河上又詔朔方節度李懷光赴之皆與志合志又云建中三
年三月至魏貝相去秦兵十里六月卅日大破馬燧兵廿餘萬
積屍遍野血流御河通鑑朱滔王武俊至魏州是日懷光軍亦
至懷光乘其營壘未定欲擊之馬燧請休不聽遂擊滔於恆山
之西殺步卒千餘人武俊引二千騎橫衝懷光軍軍分為二滔
軍繼之官兵大敗蹙入永濟渠溺死者不可勝計其積如山水
為之不流燧懼卑辭謝滔求與諸節度歸本道志中所云皆是
實錄並非夸大之詞而儼即陣沒於是日通鑑考異云實錄六

月辛巳朱滔王武俊至魏州是日懷光亦至七月庚子馬燧等
四節度兵退保魏縣燕南記六月朱滔王武俊懷光俱至懷光
即欲戰馬燧抱真不得已從之七月六日懷光等擊滔勝之尋
為武俊所敗其夜決河水絕懷光西歸之路明日水深三尺餘
燧等卑辭退保魏縣按長曆六月壬子朔七月壬午朔辛巳為
六月三十日庚子為七月十九日滔與懷光至魏之日滔營壘
尚未立懷光即與之戰豈得至七月六日戰於愜山之夜武俊
決水明日燧等即退保魏縣豈得至十九日疑退師過遲情事
不合因謂實錄之燕南記所載日皆不可采今志中明言戰於
三十日是實錄之戰日可據舊唐書馬燧傳六月晦懷光至軍

至之日未休息堅請與沼等戰不利悅等決水灌燧軍燧兵屈糧少七日燧與諸軍退次魏縣是則燧戰敗於三十日是日辛巳七月七日退保魏縣是日戊子實錄之庚子乃戊子之譌不得云無據燕南記則誤甚御河即隋煬帝開永濟長豐今秦漢之利豐縣高齊廢唐開元十年於文安縣三十里復立利豐縣又以縣北有長豐渠遂改名在今文安縣境中志國家背德及大破燧兵昌言無忌是時河朔之人知有節度不知有天子習俗移人至於如此可慨也夫

修葺孫莖風堂文集

右墓誌据莖風堂跋文事實皆碣鑿可據馬燧名凡兩見竝作遂無火菊周禮秋官司烜氏掌以夫遂取明火於日遂即

燧字遂燧古通蓋之四周有十二地支肖像與元和十四年
崔載墓誌同唯此誌蓋子則鼠首人身亥則豬首人身崔載
誌蓋子則一人手執鼠亥則手執豕其製不同又天寶五載
雷詢誌蓋亦有十二支肖像但子則刻鼠形亥則刻豬形不
画人又不同耳

顏真卿書和州刺史張敬因殘碑

碑已殘現存石廣三尺一寸高尺寸不計前後
漫滅惟中間八行行四五字正書徑一寸八分

前數行漫滅

上缺地人傳豈在居□下缺

上缺□縉繁休將刊下缺

上缺 足前結交 下缺

上缺 四時無病 下缺

中一行漫滅

上缺 色慾□罷盡□ 下缺

上缺 論別人非 下缺

上缺 守本分不 下缺

上缺 不爭名曾 下缺

後一行無字又後似有小字二行漫不可辨

右碑於許州出土王文敏威伯希皆以為魯公書而碑中並無年月案魯公之歿在興元元年姑從二君之言漫附於此

追贈太保尚書左僕射同平章事張延賞碑頌

碑經廣製每行第七字筆畫微短末尾直斷約缺字一二行高二尺二寸八分廣上存二尺而強最下一尺一寸大十五行前十二行行十九字頌後三行各多一字外第十六行尾尚存六字分書

張氏系自帝軒世載英達我府君諱延賞河□人也祖義府君以經明仕成紀丞贈秦州都督父嘉貞府君皇中書令光佐玄宗名焯四海粵我府君受天正性文武命世開國繼土再昇台曜三十年間以德行政事為天下宗師貞元三年正月自尚書左僕射同平章事其季秋七月壬申薨于長安享年六十有一上以哀痛之詔追贈太保嗚呼昔周公輔政六年而天下甫定公在位七月而運奪其成天不降康何事今之人豈一時之痛寔百代

之痛長子調次子諡肅奉遺命百度設儉以其年冬十月乙酉靈
神于此 夫人祁國夫人故太師苗韓公之女內則柔範聞于天
下俾志以頌曰 浩浩昊天育此庶類曷勤其生而秘其治大化
久澈生靈瘁矣時屬 府君顯若二紀帝方印成□政茲始運之
不叶緬爲中止於帷顯烈繼相開魏 第十六行上缺 地卜之占曰
盾以下然缺

碑書延賞官位年壽及其父嘉貞官均與唐書本傳合惟碑
稱開國魏土又云繼相開魏當是曾封魏郡開國公或魏國
公此則新舊書皆未載至其為相及卒時年月新書本傳一
皆略之致時事別須查攷殊為朦混舊書則各書年月較為

明晰宰相表於貞元三年下并書正月壬寅尚書左僕射張
延賞同中書門下平章事七月壬申延賞薨德宗紀及通鑑
所書月日同此則與碑悉合者紀書七月甲子朔則壬申乃
初九日也兩書并稱延賞卒諡成肅則又碑所未載碑書延
賞長子調次子諡而兩傳皆祇載其子弘靖事蹟書具為憲
宗宰相無調諡等名及攷世系表稱弘靖初名調始知弘靖
即調改名又稱諡主客員外郎則并得其次于官職是調諡
之名不見於傳而證以世系表則仍與碑符又碑稱延賞祖
義世系表則作思義表但書成紀丞碑并云贈秦州都督皆
當以碑為正延賞娶苗晉卿女新舊書皆載其事晉卿於肅

宗時封韓國公卒贈太師具見本傳此稱太師苗韓公正與
 史合河下缺一字據嘉貞傳稱其為猗氏人猗氏屬河東郡
 則所缺必是東字唐人分書大率庸俗此碑獨古勁頗似魏
 孔羨晉孫夫人等碑可喜也延賞墓在偃師此當是墳志又
 尚有神道碑分書斷缺僅存三百餘字金石錄以為歸登書
 寶刻類編又載延賞子弘靖碑亦登所書然則此石亦必登
 書無疑矣登舊唐書有傳稱其有文學工草隸集古錄所載
 百巖大師懷暉碑亦登篆額然則登書固有名當世也

登傳
載登

元和十五年卒年六十七顯有明文而王氏經謂弘靖卒於
 長慶四年登復書其碑則亦靖高年云云不知登之卒尚在
 弘靖之前王氏既引登傳何以未見此文殊不可解大
 約實刻新編所無宋靖碑當是生存時頃德碑之類耳

法界寺尼正性墓誌銘

石高一尺一寸二分寬一尺一寸六分二十行行二十字字徑四分蓋高一尺一寸五分寬一尺一寸六分三行行三十字字徑八分蓋正書蓋四周花紋闊四寸廣

大唐故尼正性墓誌銘

唐故法界寺比丘尼正性墓誌銘

并序

夫釋代正法浸遠像法頽靡其捨家求道率自草野郵閑而入由是六識昧暗難悟知見如或佛性照融宿惠圓朗澄心利智默契真諦者見之於闍梨闍梨裴族擇号正性河東聞喜人曾祖諱光庭 皇朝侍中吏部尚書忠獻公祖諱植祠部員外郎贈太子賓客正平公考諱倚駕部郎中御史中丞闍梨郎中之愛女消

龔卿相福流聰明脩然雖塵資於積善故能弃鉛華而甘落髮片
綺穀而披壞衣繁曜不棲於心嗜愛永離於著則定惠之香常樂
之淨不待詞而昭昭可覩也嗚呼貞元六年八月十日現滅於標
陽縣修善鄉之別墅稟春秋之年四十有八受菩提之夏二十有
三以其年十月八日遷神於城南神禾原之 郎中之塋從俗禮
也閻梨初繇上都法界寺嘗云清淨者心心常解脫故生不居伽
藍之地嚴飾者相相本無形故歿不建荼毗之塔從始願也夫垂
空文刻貞石非所以頌休美於泉扃亦虞陵谷之遷變銘曰
崇崇相門克生至仁捐俗從道觀空悟真此生何生此滅何滅想
法身兮常寂痛廿心兮永絕

按長安志法界寺在唐萬年縣朱雀街東第五街迤南豐樂坊西南隅隋文獻皇后為左華暉令容所立有雙浮圖各崇一百三十尺誌云閭梨裴族曾祖諱光庭皇朝侍中吏部尚書忠獻公祖諱積祠部員外郎贈太子賓客正平公考諱倚駕部郎中御史中丞裴光庭新舊唐書竝附裴行儉傳其官侍中吏部尚書與兩唐書竝合唯謚法新書作忠憲舊書作忠獻據墓志則舊是而新非矣光庭子積亦附行儉傳第言授祠部員外郎而無贈太子賓客正平公之文又附積子倩而無倩弟倚之名宰相世系表積司勳員外郎裴正平縣子亦不云贈太子賓客倩有弟傲而倚則誤系於倩之下一

世官殿中侍御史亦與誌不符當據誌糾史之爲畧誌又云
現滅於櫟陽縣修善鄉之別墅長安志櫟陽縣四鄉管四里
注唐二十五鄉元和元年析大澤鄉隸富平縣奉豐陵十五
年析萬年鄉隸奉先縣奉景陵餘不傳此修善鄉即唐鄉名
不傳者之一又云遷神於城南神禾原謹按 大清一統志
神禾原在咸甯縣南長安圖說唐蓮花洞在神禾原即鄭駘
馬之居所謂主家陰洞者也縣志原在縣南三十里下臨樊
川南起竹谷東西北行三十里入長安爲潏水界斷其南爲
御宿川誌稱正性爲閭梨翻譯名義閭梨或阿祇利寄歸傳
云梵語阿遮梨耶唐言軌範今傳閭梨菩提資糧論云阿遮

梨夜隋言正行南山鈔云能糾正弟子行故四分律明五種
阿闍梨一出家阿闍梨所依得出家者二受戒阿闍梨受戒
作羯磨者三教授阿闍梨教授威儀者四受經阿闍梨所從
受經若說義乃至四句偈五依止阿闍梨乃至依住一宿者
慧作惠与北魏吳高黎墓誌同栖作栖与永徽六年呂夫人
張氏墓誌同又按唐裴植墓誌開元辛巳歲立關中金石
記著錄鎮洋尚書跋引獨孤及行狀植以開元二十九年官
終尚書祠部員外郎子四人長倩次微次倚季伯據此知倚
為植第三子又據植墓誌植官祠部員外郎父光庭謚忠獻
竝与正性誌合可證新唐書宰相世系表及裴行儉傳之謄

即官石柱題名祠即員外郎有侯名司勳員外郎無侯名唯贈太子賓客正平公之文則
鎮誌亦無之當是推恩在作誌後其正平公之號迺贈於身
後非襲於生前光庭疑推恩鎮誌但言與五品官世系表云襲正平縣子亦
誤

錫齡案唐有正平縣屬河東道絳州見唐書地理志據此
則世系表稱鎮襲正平縣子當不誤此誌云正平公即指
正平縣子不必緣上文忠獻公句亦疑為謚也唐人誌文
不皆出能手故語意參錯反執此疑史似可不必

盧嶠墓誌

石高一尺七寸五分寬一尺六寸八分二行十八行三字字徑一寸
字徑五分正書蓋高寬各一尺蓋四行三行三字字徑一寸

八分篆書

大唐故范陽盧府君誌

並序

唐故給事郎守永州司馬賜緋魚袋范陽盧府君墓誌銘

并序

前鄉貢進士趙估撰

有唐給事郎守永州司馬賜緋魚袋范陽盧公以貞元七年五月廿六日寢疾終于澧州仙丘里之私第享年七十六秋八月夫人清河崔氏奉公之喪歸葬河洛明年二月癸卯宅神于河南縣萬安山之南原禮也 公諱嶠字嶠其先姜姓翼舜甥禹道光舊冊自周尚父左右文王武王恢天功基帝業就封歸老建國于齊厥後子孫嗣勲德者派別支流或曰榮氏或曰盧氏 公其裔也世

有明軌以濟候美天錫乃慶鐘于後昆 顯祖安壽 皇朝綿州
長史 大父正紀汝州司馬 烈考抗絳州聞喜令皆以廉簡柔
直恪慎克孝聞而休嘉之稱未嘗奪於羣心 公即聞喜之元子
也幼服儒訓周流以禮言不華而行顧性不醺而志得澹然自逸
神與道俱君子曰後世雖有朴而簡者其亦不可及已弱冠補齊
郎調陳州參軍大應初衡州刺史兼御史大夫湖南觀察處置等
使韋公之晉嘉乃休懿表 公為衡州司法參軍暨韋公下世後
使兼御史大夫隴西辛公京果奏改邵州司馬賜緋魚袋轉永州
司馬兼賜如故以 公之戴仁抱義晦用頗貞自筮仕至于捐舍
三十年間而榮枯不至何哉以道不苟合利不苟容故也 公之

今季陝歸觀察處置等使兼御史中丞岳以宏略佐時端順承
訓天奪其善先公而薨越三歲而公又長往神之與直胡期
廢殿嗣子嘉璣不幸早世嘉璣之子曰立哀經於自性禮得於生
知鄉先父而斬焉無怙追皇祖而逮事不及猶子戴廣本根天執
喪逾禮泣次道懿願樹芳猷以佶嘗業於儒曾學舊史表能旌美
見徵斯文庶德音孔昭永垂休於後嗣神心不昧將誌善於幽窆
詞曰

氣歸於天形復于地肇有生人斯理不墜
英英我公寔邦之基
謂其善積乃亦福隨光而能耀焯焯有輝清風載穆高位攸宜今
也反是淵人時依彼雨惟天尚時而日
公之云逝胡永閔乎泉

室令消早世慶孫尚孩祖奠誰主猶子銜哀萬安之下新寵始開
神返真宅風悲夜臺唯有休問永昭將來

給事即前

行陝州芮城縣主簿李謙書

此墓誌與其夫人崔氏墓志同時出於洛陽按唐宰相世系表
盧氏出自姜姓齊文公子高高孫僕為齊正卿諡曰敬仲食采
於盧其後因以為氏而志云翼舜躬禹是沿溯姜姓之始矣又
云或曰柴氏或曰姜氏按姓氏書柴亦出自姜姓高敬仲僕裔
是盧柴同祖也志云顯祖安壽縣州長史大父正紀汝州司馬
烈考抗聞喜令並與世系表合唯表抗作伉嶠作僑當以志為
正按唐代盧氏以嶠名者有三世系表有坑坑子嶠與此嶠父

子同名

准阮

輩行亦相等又同為大房之後疑世系表有誤

也又有咸通六年盧約夫人崔氏墓志道光間出土其志稱二

子嶠岫盧約於世系無考約卒於大中丙子在此嶠卒後六十

餘年疑彼嶠輩行在下也良由盧為大族當時名同不相知避

志又云公之令季陝虢觀察處置等使岳世系表岳字周翰陝

虢觀察使名位亦合書志者為芮城縣主簿李謙豐腴流美頗

有北海風度可喜也趙佶文亦斐然

陽守敏壬癸金石跋

右墓誌前卿貢進士趙佶撰給事即前行陝州芮城縣主簿

李謙書按新唐書宰相世系表佶南陽趙氏宗儒之子

兩唐書

傳傳不

官兼監察御史宗儒相德宗時代亦合當是撰誌時

猶為鄉貢進士也。謙趙郡李氏東祖房仁穎之子，以時代攷之，亦開寶已後人。誌云宅神于河南縣萬安山之南原，謹按大清一統志：萬安山在宜陽縣南四十五里。唐書地理志：壽安縣西南四十里有萬安山。壽安、河南兩縣地本毗連，此山在壽安西南，亦在河南之南也。

太原郡太夫人王氏墓誌銘

石縱橫各九寸六分，十七行，正書。

大唐南陽張公、故太原郡太夫人王氏墓誌銘 并序

前大理評事楊自政撰

夫人先囊之太原曾祖文武不墜，寸藝餘美，隱跡丘園，父處泰之

二女也

夫人四德備身內和外睦敬上撫下愛之六姻一念真如循持眾行三歸淨式減即亦生奈何積善無徵有染來疾日月已累厚夜長辭貞元八年二月廿九日終於京長安縣義甯里之私第春秋七十有五即以三月廿二日葬于城西龍首原禮也嗣子奉天定難功臣雲麾將軍守左金吾衛大將軍兼試太常卿上柱國開國伯右神策軍副將專知苑內都巡寔孤女筭于高氏並歸叫憐地氣絕無聲以託斯文刻之銘記詞曰

張公之室

太原郡君

名家遠族

非晉即秦

前之與後

永開雙春

白揚風悲

傷之見人

右誌不著其夫名南陽為張氏郡望夫人奉佛誌文無所附

麗故侈言之戒即戒木即不佛經所謂不生不滅也京下應
稅兆字宋敏求長安志皇城西第三街之十三坊其三名義
甯坊按坊亦可名里如伊慎宅在光福坊權德輿文僞為光
福里李靈輝居在延壽坊自請捨宅僞延壽里皆是此誌言
終於義甯里之私第即義甯坊也誌言嗣子奉天定難功臣
云云按通鑑唐德宗紀興元元年諸軍諸道應赴奉天及進
收京城將士並賜名奉天定難功臣唐書百官志左右金吾
衛大將軍各一人掌宮中京城巡警凡朔守之朔衛及外府
俠飛番上皆屬焉又左右神策軍有大將軍有統軍有將軍
並見而無副將之稱雲麾將軍在武散階從三品上張君以
唐志

神策副將專掌衛兵故云專掌苑內都巡其金吾衛將軍及太常卿皆試守之職寵任殊重殆以扈從之勲厚酬之故耶寔即突字音杏閑即閑皆別體唐書宰相世系表楊氏無自政名其撰文亦陋如傷之見人語頗不詞其書姓作從才之揚抑為子雲之後不可知矣

盧夫人崔氏墓誌

石高一尺三寸四分廣一尺三寸五分半二十六行行二十
六字字從四五分不等正書蓋高寬各七寸三分三行行三
字從一寸五分長書

唐故盧君夫人崔氏銘

崔

唐故永州 盧司馬夫人崔氏墓誌銘

并序

子曾再從姪前澇州長子縣尉廷貴撰

夫人韓 字 清河武城人也禮度詳明志行恭孝哲婦有虞於

則勳履光叶典規先自太公今枝百世漢末尚書琰字季珪即夫
人十六代祖人物推為第一貴族王莽金柯七代祖休後魏右僕
射以明範佐時代傳芳烈華夏欽德故封建氏望居衆姓冠首

曾祖合州司馬諱玄默祖漢州德陽令諱思慶 父朝散大夫太

原祁縣令諱庭實皆禮訓承襲教宗儒墨字人多諸惠政化理光
于頌聲外祖度支郎中軍器監范陽盧諱福會 夫人兄弟八人

姊妹八人各備聲盧君君諱嶠少補齊郎歷陳州叅軍衡州司法
邵永二州司馬賜緋魚袋行履清素才德弘廣齊人約已茂譽播

彰項任江南寓居衡澧去辛未歲疾歿澧陽 夫人護官事携幼
孫遠涉江漢歸葬河南縣萬安山陽之大塋蓋志烈誠懇得就其
禮加以哀毀過傷瘵疾逾歲貞元九年龍次癸酉六月廿六日終
于洛陽履信里之私第享年六十有九嗣孫在 府君禪制遺
夫人禍豐嗚呼蘭堂無主孤嫠莫依追慕平昔人望崇美母儀貞
正于嗟哲人天不慈遺 夫人一男二女男名嘉璵潭州長沙尉
早友即世璵子小字陳三 代父養經今則十歲矣延賢才微姑
以姑以二字上先誤空半格後改如格先誤之二字 溫公見託即
長女也小女適故大理司直榮陽鄭續咸卜期以斯年十月三日
遷柩于 府君之塋得同穴之禮也嗚呼 慈顏愛澤自此長隳

定省晨昏於茲永絕幼孫孤女陟此彌天甥姪近親悲深厚地紀終遐邇斯介石焉銘曰

山川頽逝

恁前增悲

人之殂落

返不有時

撫棺臨穴

親愛別離

白日天上

玄堂地中

幽明隔絕

年月無窮

唯茲貞石

永紀其終

鸞鏡罷芳臺寂寞

鳳簫去芳樓虛閑

神昇僂方人不見

幹同穴方于其閒

此崔氏墓志與其夫嶠志同時出土嶠范陽人為永州司馬志題銜永州下空一格云盧司馬若以嶠為永州人者此金石例之不可為典要者崔延贊撰文即崔氏之從姪而為其女壻書壻為賀見漢唐公房碑不得疵其為俗志稱崔琰為十六代祖

崔休為七代祖按唐書宰相世系表則休為七代祖無異琰則為十四代祖疑世系表有脫落也志云曾祖合州司馬玄默祖德陽令思慶父和縣令庭實據世系表玄默思慶本崔休之後唯載思慶子延賓不及庭實而思貞之子庭曜庭曠庭晦以庭為派行則延賓為庭實形近之誤無疑此金石之足訂史文者志文重疊擠姑以二字當是庸妄人所為按崔盧自元魏以來為天下甲族今世所存石刻有元和四年河南府司錄盧公夫人崔氏墓志見授堂金石跋又有咸通六年太子司議郎分司東都盧約夫人崔氏墓志見續金合此志而三兩姓姻婭千載而下猶重疊可見如此楊守敬壬癸金石跋

誌云小女適故大理司直榮陽鄭纘按新唐書宰相世系表
鄭纘密州刺史仁愷元孫光訓子榮陽鄭氏釋之裔與誌合

旬齋藏石記卷二十八

唐十二

河南府戶曹參軍陳諸墓誌銘

石高一尺二寸七分廣一尺二寸三分二十四行行率二十六字遇格格轉寫或旁注之行則多二三字不等正書

唐故朝散大夫河南□戶□□陳府君墓誌銘

并序

公諱諸字諸穎川人也有虞之後周封于陳

因以氏焉自周至于有唐或卿或相代有其人諱具載其美此

略而不書也曾祖瑾皇朝贈工部尚書祖希烈皇朝左相許國公父洸

前太僕少卿兼少府少監公即少監之長子也性本純直志敦禮樂

交不苟合言必依年八歲弘文館明經擢第起家補太子通事

舍人次授宗正寺主簿屬 國家屯亂時俗褻薄公心尚玄寂欲
忘官情無何澤潞節度使相國李公特以表薦拜潞州大都督府
錄事參軍三載于茲六曹是肅黠吏屏迹公勤著聞上黨之風人
多狡猾屬縣宰吏屢有變更相國嘉公之才美公政所知是舉又以
上聞制除長子縣令三年政成解印而去及 堯舜御宇江漢
再清時少監受 命分司居于東洛公志全忠孝願在庭闈調補
河南縣丞次授雍州湖城縣令次授河南府戶曹參軍加朝散大
夫天寶中許公兼國政金印紫綬者一門卅餘人公生當其時少
而從事不以榮寵自貴唯以政理為心公清廉儉稟之天性故累
居郡府皆著嘉績及罷河南掾箱無疋帛倉乏斗儲昧下承顏閑

居門自樂雖時俗或議君子建之久蘊調鼎之才未展經邦之志不幸短命以貞元十年九月二十二日寢疾終于宣教里弟行年五十有七嗚呼慈父在堂嗣子猶稚追念泣血哀感隣人夫人河內縣君龐西獨孤氏禮敦四德義重三從不失惟堂之儀有過崩城之痛明年夏四月十二日葬于北邙山之原礼也仲則不敏得事高門願非衛氏之才竇愧都公之遇用之貞石以斯文緯曰有媿之清潁川之祥積善之慶惟是彰典其永久用為棟梁天不憖遺哲人斯已邨□之上河洛之陽千秋萬古松柏蒼：

諸為宰相希烈之孫業希烈新唐書列之姦臣傳舊書附張說傳後希烈以天寶五載同中書門下平章事六載為左相

兼兵部尚書新舊紀傳及宰相表所載皆同與此誌書左相相合惟新傳稱希烈進封許國公而舊傳不載但云封潁川郡開國公證以此誌及天寶十三載舊書本紀知為漏略又希烈初封潁川郡開國公新傳則作臨潁侯彼此歧異未詳孰是以意度之當曾由臨潁縣侯進封潁川郡公而新傳亦脫漏耳蓋臨潁即潁川郡屬縣潁川郡即許州也至新書本紀書希烈為左相本傳及宰相表皆作左丞相此則顯係錯誤蓋天寶元年改侍中為左相新舊紀志所載悉同若左丞相乃開元元年所改左僕射之名至天寶元年已復為左僕射矣宰相世系表謂陳氏宰相三人叔達希烈夷行乃僅載

叔達夷行世系而希烈闕如此誌敘其三代頗詳正可據補
惟希烈始以附會靈符得帝寵眷復以諂附林甫進位宰相
黨姦保位幾及十年卒以受祿山偽職賜死其人固無足道
其世系不列於表或歐公有意削之耳傳稱希烈宋州人此
誌作潁川者舉其郡望也僅贈工部尚書當即以子受贈諸
八歲以弘文館明經擢第業選舉志門下省有弘文館生三
十人東宮有崇文館生二十人以皇總麻以上親皇太后皇
后大功以上親宰相及散官一品功臣身食實封者京官職
事從三品中書黃門侍郎之子為之職官志謂弘文崇文館
學生雖同明經進士以其資蔭全高試取粗通文義此唐代

侍大臣子弟恩澤諸以祖父蔭得為館生又遇有粗通文義
寬典故八歲擢第以諸卒年逆計其八歲當天寶四載是時
希烈方受帝眷次年即為宰相也傳稱希烈精玄學今此誌
謂諸心尚玄寔殆亦本其家學耶誌云澤潞節度使相國李
公表薦拜潞州大都督府錄事參軍兼李公當是李抱玉舊
書抱玉傳代宗即位擢為澤潞節度使潞州大都督府長史
新傳云代宗立兼澤潞節度使舊書代宗紀新書宰相表亦
載廣德元年澤潞節度使李抱玉檢校司空計是時諸年歲
適相當按之誌文前後亦合毫無疑義其稱為相國者抱玉
由司空進司徒以懇讓故改為同中書門下平章事也地理

志潞州上黨郡大都督府所屬有長子縣百官志大都督府錄事參軍事一人正七品上誌稱諸為錄事參軍六曹是肅與前所錄鄭玄果墓誌語意正同益足與通典相證舊書職官志載大都督府有六曹參軍新書則作七曹與上州參軍正同一誤此又當從舊史者堯舜御宇自指德宗之立江漢再清蓋謂平朱泚復京師也諸父分司東洛案通鑑高宗紀載洛陽宮為東都洛州官吏員品並如雍州蓋自是以京秩官東都者皆謂之分司如百官志載侍御史一人分司東都臺是也河南係京縣丞二人從七品上號州弘農郡屬河南道湖城縣嘗更名天平大曆四年復舊河南府者唐時西都

東都北都皆置牧及尹鳳翔成都河中江陵興元興德亦皆
置尹故謂之府所屬各曹叅軍皆正七品下朝散大夫從五
品下階縣君亦五品封也獨孤氏宰相世系表謂出自劉氏
後漢世祖之後為谷蠡王號獨孤部子孫以部為氏元和姓
纂亦云本姓劉氏與世系表同太僕少卿從四品上少府少
監從四品下太子通事舍人從七品下宗正寺主簿從七品
上美公之政句脫一之字閑居自樂句多一門字

諸夫人有
誌見下卷

來夫人田氏墓誌

石高八寸三分寬八寸六分十五行行十五字字徑三分體正
書

唐來公故夫人京兆田氏墓誌

有唐貞元十三年歲次丁丑八月己酉朔六日戊子 夫人田氏
京兆人也登筭之年歸于來氏君子諱治安乃榮公之裔謂居清
顯高尚不仕 夫人德容婉淑婦道弥彰內外和顏柔順親族不
幸染疾藥石無救終于揚州江陽縣崇儒坊之私第享年卅有八
生子女二人男曰永哥女名娥兒幼在嬰孩哀泣聞之慘悽
卽卜其年九月庚戌十二日安厝蕪城之東仁善鄉千秋里之原
禮也故刻貞石永為記之 銘曰

蒼男何為 殃及田母 生而賢明 清魂誰去 森：松栢
渺：冥途 壟隧高起 逝水嗚呼

誌云夫人登筭之年歸于來氏君子諱治安乃榮公之裔按

榮公謂來護兒也護兒於大業中以功進封榮國公事見隋書本傳傳稱護兒為江都人令夫人亦卒於揚州江陽縣然則其夫為護兒之後且仍依其祖貫也

李侯七墓銘

石高九寸八分寬九寸五分行十四行行十六字字徑五分弱正書蓋高寬各五寸三分三行行三字字徑一寸三分篆書

唐趙郡李氏幼子墓銘

蓋

趙郡李氏子小字侯七 壽州刺史府君諱規之季子以貞元三年歲次丁卯仲冬之月抱疾夭逝於宣州當塗縣年垂志學矣乃權厝於廬江之南郭祔 先君之祔塋蓋 聖善痛念深意也至十三年丁丑長兄將順仲兄簡能自江淮奉 先府君先夫人之

喪歸於河南府緱氏縣公路澗西原祔王考之地域曰營謀
其櫬陪列松檟申友愛也嗚呼惟尔幼弟生而岐嶷敏銳之性發
於童年親黨異焉僉有所屬而不幸之至夭於下殤所謂家門不
競矣况尔惠尔幼而我尚存天乎何哉具倒其理以其年十一月
三日甲申寔焉大兄將順銜哀撫柩誌于幽隧

按侯七父規及長兄將順竝見新唐書宰相世系表趙郡李
氏南祖房北堂行梁州刺史義深曾孫素立宋史素立子并
并子規壽州刺史与誌合規子將順袁州刺史誌不著其官
仲子簡能表失載誌云奉喪歸於河南府緱氏縣公路澗西
原唐緱氏縣今河南府偃師縣南太平寰宇記公路澗在緱

氏縣西南三里有公路壘以袁術字公路而稱水經注合水注公路湖上有袁術固四周絕湖迢遞百仞廣四五里寰宇記又云隋大業十年移緱氏縣據公路湖西憑岸為城則公路湖西原乃倚郭近郊也誌又云顛倒其理顛即顛字楊雄并州牧箴太上耀德其次耀兵德兵俱顛靡不悴荒正均顛多年切音顛圭峯定慧禪師碑銘恐迷恐顛亦作顛

龍花寺寶照墓志銘

石高一尺一寸廣一尺一寸三分微約十四行行十五六字不等正書

唐龍花寺墓志銘

并序

進士陳耕向撰

俗姓王氏法名實照得禪門真旨深智惠妙川宗佛裔□顯烈不
書嘉上乘也父思誨味道高情云鴻淡慮糠粃敲晃糞土榮華師
則府君第三女移天張氏相奉如賓良人云已剃髮紹服咀嚙經
誠蹂踐禪律□江泮志覺性斯形觀空練心了得諸去嘗曰慈雲
高飛法雨當歇輪迴世界吾其久歟貞元十三禩丁丑秋季月旬
有九日捐生本寺遺體之年七十九僧臘之食三十二沙弥滿悅
姪前吏常選克正塵心悲慟牽禮飾情以其年十二月十九日歿
奉色身藏諸石土銘曰

山□商山泊々渭川時至竭滅我法長懸日月松風孤墳歸然

右按龍花寺即佛經所言之龍華花華古今字單言龍花寺

不書葬者法號疑有奪漏。𪚩音西類篇言米碎為𪚩猶言糝糠。𪚩冕榮下似是豪字榮豪兩字駢合未見所出。𪚩即𪚩字。𪚩厲也。誌言移天張氏婦人以夫為天其名自古此以移天屬初嫁時說。考昭成寺尼神兮墓銘亦有中年鍾移天之禍語是移天為唐人習用之字而不知其為湊砌也。實照之姪前吏部常選克正唐制吏部選人有放選常選之分考已見韋瓊墓誌

崔程墓誌銘

石高廣均一尺七寸六分強
二十八行行二十九字正書

唐故河南府河南縣主簿崔公墓誌銘并序

登仕郎守河南府叅軍事陸復禮述

李弟守河南府叅軍

稅書

貞元十四年秋九月辛酉河南府河南縣主簿崔公卒于東都福先之佛寺明年秋八月甲申葬于洛陽縣平陰鄉陶村先塋之東南一百八十步前夫人滎陽鄭氏祔焉禮也公諱程字孝式清河東武城人也曾祖祥業幽州范陽令祖湛鄭州長史贈鄭州刺史父朝懷州刺史左庶子贈祕書監爰自功配西周德表東海世濟其美慶流于今婚姻冠冕光照史籍千載世祿百家領袖公即懷州府君第三子也性根端明心路穎達敏而好學幼而能文弱冠鄉舉進士擢第解褐授祕書省正字以書判茂異秩滿

調補河南府叅軍以人物藉甚又從常選署河南縣主簿以利用
幹能雖為官擇人且從吾所好遂用初命固求分司至於再祿皆
適我願蓋以東洛舊里

松楸近焉終身之思一日不遠兵惶

荐至居室莫遷安行義如樂餌視名利同險阻賢乎哉公執器柴
毀宗族稱孝居家篤友鄉黨稱悌在公無頗考績謂貞履躬用薄
時議謂儉夫孝者行之首悌者仁之本貞者事之幹儉者德之基
卿士大夫有一于此則可立身成名而況兼之者乎宜其壽位延
洪光大家國豈謂享年五十有一歷官三政而止嗚呼哀哉公兩
娶一門女弟繼室即潁川太守長裕之曾孫殿中侍御史歡之孫
洺州司兵尉向之長女今相國餘慶河南尹珣瑜信安守式瞻高

平守利用皆諸父也門風家範振古耀今夫人和順自天禮樂傳
訓恭儉可配蘋藻唯修歸教九年生一男二女遺疾而終享年廿
後夫人柔德克比是以嗣之亦生一女又不幸先公而殂且聞生
無並配葬宜異處先長同穴情合禮中君子以為宜故後夫人之
墓共域並阡列於西次嗣子門老年已成童孺慕哀哀至性所及
臧孫之後必有其人公之居敬行簡動直靜方謂生業外物圖書
吾寶雖卷帙盈溢而繕寫忘疲所著文章本春秋之義此外則以
彈琴對酒賞竹翫石為閑邪存誠之具故憲過焉今葬近 先塋
平生之願也季弟河南府參軍稅懼陵谷之遷隕存歿之志哀踰
告訴託於所知序述銘記敢非實錄銘曰

郁郁崔公文質彬彬令望有裕時命爵埋位未充量壽不與仁五十而逝天胡不均平生之志歿不遠親陪葬先塋此焉撫神兩娶鄭氏女弟續姻先長同穴從故就新何以識遠琢此貞珉後之見者知葬賢人

右按唐書宰相世系表崔氏清河小房有湛字湛然鄭州長史朝字懿宗鄭懷二州刺史其下一格有程及其弟稅名而未載其官履誌云祖湛贈鄭州刺史此贈階乃其父朝官鄭州刺史所贈誌失載其父為鄭州刺史此又當據史以補石也百官志秘書省正字正九品下縣參軍同縣主簿正九品上程由祕書正字授參軍以對品外任其署主簿則稍遷半

資誌言遂用初命固求分司以東洛舊里松楸近焉終身之
思一日不違當緣其祖父以來皆官河南遂為土著故戀戀
於此其兩娶鄭氏鄭氏如叔裕歎叔向珣瑜餘慶式瞻利用
七人俱見於宰相世系表班次與誌悉合珣瑜餘慶新舊兩
書有傳惟誌云長裕潁川太守表云許州刺史誌云信安守
式瞻表云式瞻衢州刺史誌云高平守利用表云利用澤州
刺史按太平寰宇記衢州天寶元年改為信安郡乾元元年
復為衢州澤州天寶元年改為高平郡乾元元年復為澤州
式瞻利用當官於天寶之時表從其後改者言之此尚無誤
但許州潁州稍有異同又百官志言天寶元年改刺史曰太

守誌忽云守忽云刺史乃微有不齊耳誌言安行義如樂餌

用老子樂與餌止過客語

銘於墓誌但敘父懷州刺史亦舉其後者言之

清河郡夫人張氏墓誌銘

石高廣各一尺十八行行二十一字至二十四五字不等正書

唐故清河郡夫人張氏墓誌銘并序

京兆府進士裴同亮撰

貞元十五年十一月十二日夫人張氏奄歿於子長安縣懷德里之
姪弟夫人張氏府君賈秀曾孫游擊利休之愛夫人宿承令族天
与其惠柔儀雪暎志行松操至於織紉養餽奠祀之禮厚情周物
絲竹通妙皆禀生知出為時則泊王笄耀首至德全戍末之美地

嬪于張氏秦晉有匹風凰其儀鏡璫無而雙影臨栢舟泛而中河
嬪尔乃服其院濯鼓其琴瑟內閑外恭安親惠下宿寇之容有節
螽斯之慶大采黜婁之妻從夫益軻之母訓子方侯同年也嗚呼
積善無微疾也有作山林倖色泉路何迷夫人春秋六十有已貞
元十六年葬于 兒女四人孤幼鴈行泣血白鳥祥至風樹不
停神道昭感天之明察海珍撫視摧慟惜莫莫之早落興言異室
嗟挂月之先圻哀悼痛傷骨肉持封石字永同天地之長海變桑
田還識恭 墓誌銘

堂之府君后 族之良灼之 夫人宗室之光 正若秦晉睦
若潘陽琴瑟 培之風凰銘之 宜尔偕老万 壽無疆如何

吳穹今也則已

重泉幽壤

無見日荒壑

白楊坐蕭颯

右按宋敏求長安志皇城西第三街之南有懷德坊唐人墓誌坊里互稱說見別誌此懷德里之私第即懷德坊也誌言游擊利休之愛蓋夫人為利休之女今世俗稱女為媛實應為愛字此誌鄙別字甚多如承作丞映作瞋稟作稟鳳作風賦作嬾浣作院窈作宿黔作黔徵作薇賴作倖幼作幼英作莫桂作挂序末識恭之下語氣未住又空格接墓誌銘三字不知何意其尤奇者銘詞每句四字乃於五字中空一格使不相聯屬後二句亦然殊不可解標題及誌首稱夫人張氏者三而誌中又云壻于張氏然則張氏即夫姓非母族所謂

清河郡即張氏之望也

錫齡案銘云府君后族之良夫人宋室之光是后為張后夫人則李姓也

三原縣尉鄭淮墓誌銘

石高一尺四寸五分廣一尺四寸三分十八行行二十字正書

唐故京地府三原縣尉鄭府君墓

□銘

并序

殿中侍御史武功縣令鄒儒立撰

夫精金有斷犀之利文梓為登廟之器而沈埋摧折不遭國工良治之用深可歎也其於君子有蘊能通變信而有勇志摩丹霄命屈黃紱哀哉府君諱淮字長源滎陽人氏華族茂簪黻推冠曾祖珍贈齊鄭二州刺史嘗為歷城長理有昨惠祖巖贈太常卿官至少府監德為時重考閔位終太府寺主簿位屈公望府君續承重

慶夙稟貽訓弘文館明經解巾封丘尉守將城叛棄職明節廷換
靈寶滿調雲陽府君司局之二□似年也大君開豁求理予承

詔佐理旬服得聯官曹襟抱獲展前後罷去後君又屈佐奉陵
之邑去袂未幾郊居疾終嗚呼□君群疑息於機鑒煩務屏於□
簡年僅五十官佐□□乃終其局歟或繼其拯歟以貞元十七年
五月五□□祔萬安舊封尺波不停高岸尚變子仲章等誦捧□
□以託銘云

山之陽松楸已行爰宅斯卜嗣續其昌

□之曲碑闕相屬乃宅斯卜實藩嗣續

誌稱淮為弘文館明經解巾封丘尉守將城叛棄職明節案

新書選舉志門下省有弘文館生三十人東宮有崇文館生
二十人取士之科由學館者曰生徒其目有明經舊書職官
志載禮部舉試之制其科有六二曰明經其弘文崇文館學
生雖同明經進士以其資蔭全高試取粗通文義淮祖父皆
官京秩故得由學館就試也解巾猶云釋褐封丘則汴州屬
縣攷通鑑大曆十一年五月汴宋留後田神玉卒都虞候李
靈曜殺濮州刺史孟鑒北結田承嗣為援以靈曜為濮州刺
史靈曜不受詔遂以為汴宋留後靈曜益驕慢恣以其黨為
管内八州刺史縣令欲效河北諸鎮詔李忠臣等討之封丘
既屬汴州則所謂守將城叛當即此時之事所稱守將或即

靈曜所置之刺史縣令耳又誌稱君屈佐奉陵之邑案唐代諸陵無名奉陵者惟玄宗陵曰泰陵奉似即泰字之誤舊書地理志寶應二年置玄宗泰陵於奉先縣東北元和郡縣志玄宗泰陵在奉先縣東北二十里據此則所謂奉陵之邑當即係奉先縣然誌首標題三原縣尉而文中未敘又似即指三原豈以三原有獻陵故以為稱耶又誌云祔萬安舊封攷唐萬安縣屬嶺南道在今瓊州府萬州北境地既懸隔而今吉安府所屬之萬安縣則又自宋始置唐並無其名則此所謂萬安者當別係村里之名其地何屬未可臆定矣三原武功雲陽皆屬京兆府歷城靈寶及封丘皆屬河南道太常卿

正三品少府監從三品太府寺主簿從七品上殿中侍御史
從七品下又誌云命屈黃綬案漢書朱浮傳刺史不察黃綬
注丞尉職卑皆黃綬陳子昂送齊少府序云黃綬位輕李商
隱為滎陽公作李克勤牒亦有黃綬青袍尚淹於末路之語
今淮官終縣尉故云

錫齡案唐書地理志壽安縣西南四十里有萬安山誌云萬安舊封當即指此

李氏殤女墓記

石高寬各九寸六分十七行行十九字字徑四分正書

趙郡李氏殤女墓石記

殤女李氏趙郡高邑人也小字孫二年十六貞元十七年十一月
廿二日遘疾終於長安永寧里之旅舍以十二月三日窆於萬年

縣高平鄉西焦村之南原從權禮也

曾祖父諱畬

皇國子

司業贈太子賓客祖諱承

皇正議大夫檢校工部尚書兼潭州

刺史贈吏部尚書諡曰懿子歷淮西道淮南道黜陟使河中道山

南東道湖南道節度觀察都防禦都團練等使父藩祕書省祕書

郎瑒即藩之第三女也念尔稟天之和而聰明孝友得禮之節而

恭敬廉讓奉上順下動無所違吾身苦病尔之疾畏吾之知吾家

苦貧尔之欲尔畏吾之知淳性感人逮此增痛二莫及矣哀如之

何唯俟于吉時歸葬于故國祔

我先塋之松柏從尔孝思而

已矣銜涕書此用安幽魂二而有知鑒我誠意貞元十七年十二

月三日祕書省祕書郎李藩記

從父河書

按李氏女之曾祖畬新舊唐書竝附李素立傳

循祖承父藩

竝自有傳誌所稱述唯畬贈太子賓客承謚曰懿子為傳所
無餘竝與傳合藩官至同中書門下平章事華州刺史兼御
史大夫當作誌時為祕書郎耳女子之從父滔即藩從弟按
藩傳云憲宗為皇太子王紹避太子諱改名時議以為諂藩
曰自古故事由不識體之人敗之不可復正雖紹何誅及憲
宗即位宰相改郡縣名以避上名唯監察御史韋滔不改既
而有詔以陸滔為給事中改名質滔不得已改名處厚議者
嘉之李滔不改名避諱始猶是藩之微指歟滔名傳不附見
新書宰相世系表亦失載誌云終於長安永甯里之旅舍寔

於萬年縣高平鄉西焦村之南原長安志永甯坊在丹鳳門街東迤南親仁坊之次即永甯里坊与里可通稱萬年縣唐四十五鄉高平其一也長安志失載太和八年楊迴墓誌安厝於萬年縣高平鄉高望里鄉名与此誌合古地名賴石刻以傳者鏤矣

錫齡案此記作於德宗時在憲宗為太子之前世系表無李滿因後已改名耳

清河張氏女殤墓誌銘

石高一尺五寸四分廣一尺五寸三分二十八行行二十八字字徑四分正書

唐故清河張氏女殤墓誌銘

并序

女殤韋出也慕道受錄因名容成丁

太夫人憂歸泣過禮

哀瘵成疾疾不至病不廢行步貞元十七年歲次辛巳十二月四

日奄然而終時年一十有九距 禪制二甲子矣家人親戚蒼遑相視不知所以然也明年正月廿七日寔於河南縣龍門鄉午橋村 先太夫人宅地之次禮且順也伯兄安時深惟 而人賢惠優長要脩叙述追謨為誌故不假文於人 高祖文

琮皇朝戶部侍郎大王父槩皇朝朝散大夫許州司馬王父巒皇朝瀛州平舒縣令父弈朝散大夫前尚書主客員外郎兼侍御史次兄稔次君雅並舉進士未登科第李舅臯見任司徒兼中書令若而人立性稟識婉嫕柔閑有德禮賢和仁孝聰慧具美如是信而不誣若夫幼不戲弄立而雅正非德歟生知謹敬動合法度非禮歟 家君三子唯是一女愛念所鍾罕有其儔若而人恭

謙益隆非賢歟動靜不怵於理喜愠莫見於色非和歟性命之間必念其生聞人疾苦若在於己非仁歟

先太夫人寢疾累

年若而人侍膳則飽進藥則効暨乎艱凶哀毀不勝非孝歟諷誦詩書必躋先儒之旨趣博通藝能皆出常人之間閥非聰歟立事必適時宜悟理在於言下非惠歟然其淑順明敏觸類而長不可殫紀以是 家君與夫諸兄常奇此女欲與賢人前後致妙多矣視之率非其匹由是依違之間竟使簪珥無歸追恨所深痛斷肌骨嚮使得之良士為之嘉偶必能傳婦則母儀於當世書清規令範於彤管永孤此望為惡難勝雅好玄寂臻道之深自受法錄修行匪懈每聞楚詞乘彼白雲至于帝鄉則悠然長想時或居閑無

人整容靜處飄飄然沖虛之意深焉由此而論庸非上傳之所譴
耶則焉肯復處人間之累但骨肉之痛其可弭忘嗚呼日月有時
塗窮裏事幽埏一閉存歿長辭平生恩愛今日何日且得卜地是
從克次先殯東西密迤樹栢同陰不離瑩域之中獲展晨
昏之事魂兮有託少慰余心文者咸以夭桃穠李爲之比方予以
若而人容質清明非此類也珠明玉潤可取象焉銘曰
石韞玉兮蚌含珠玉溫潤兮珠皎潔石不開兮蚌不剖英華光彩
何由發重泉厚壤埋其寶□□上天神八月高山可平川可竭伊
予此恨何時絕

誌敘女之先世高祖曰文琮大王父曰槩所謂大王父自即

其曾祖案文琮為高宗宰相文瓘之兄新舊兩唐書均附文瓘傳兩傳皆稱文琮永徽初拜戶部侍郎與此誌合而宰相世系表則作吏部知吏部乃戶部之誤新傳載文琮子錫兩為宰相累封平原郡公舊傳兼載其子戡官至江州刺史世系表並載其三子曰戡曰挹曰錫而卒無縣名今證以此誌知在缺漏之中所當據補矣女為韋皋之甥攷皋傳貞元十七年以功加檢校司徒兼中書令封南康郡王亦正與此誌合惟誌云非惠歟惠當作慧以應上文蓋字誤也地理志瀛州屬河北道所屬有平舒縣

畢遊江墓誌

石高寬各一尺五寸九分二十一行行二十三字不等字徑五分正書

唐故畢府君墓誌銘

并序

公諱遊江平陽王彥之後也。世居太原豪族第一。英材倜儻智謀深邃。謙約節儉。廉慎有規於家。以孝有曾閔之心。事君以忠。晚縱橫之略。寬而能猛。猛而能寬。接用友盡盛德之儀。理室家剛柔得中有仁人焉。有社稷焉。賢妻在室。遙鑒於山。濤令子理家。更崇於幹蠱。公周之宗盟也。繼世在茲。王侯之種。遊宦不遂。遂轉於茲。降志辱身。隱於城市。苟得甘脆以奉慈親。日居月諸。世餘載公之太夫人以貞元十三年七月六日。傾背公。禮制不虧。大事終竟。奉親也。生事之以禮。死葬之以禮。祭之以禮。可謂

孝道全矣 公有子二人長曰忠義次曰元清並有令聞皆 公之有典有則也將以積善之人係受其福豈為降季未永罹此禍殃以貞元十九年六月十四日壽終於恒府敬愛坊之私第也時季將耳順深可哀哉里巷不歌鄉隣歎息則其年七月一日歸塋於府城西北七里冰河鄉之原也傾城出租縞素盈途送塋者執拂而行赴吊者隨柩而哭白馬前引領步而悲鳴啼鳥以臨向風而慘惻惡陵谷屢遷紀茲貞石用昭不朽聊述德音詞曰
樂只君子邦家之光日來月往身歿名彰松風切切野霧蒼蒼昔作人中之寶今歸泉下之鄉

大唐貞元十九年七月一日

道光九年八月九日石出於白雀寺住持趙正方立本寺
右墓志銘無撰書人姓名道光九年八月九日石出於正定府
城西十里斜角頭白雀寺府志所謂斜角頭寺是也住持趙正
方得之立於本寺余守常山始舉致郡縣今與隋唐諸碑並存
崇因寺中志云公諱遊江平陽王彥之後也世居太原豪族第
一案遊江及平陽王彥皆無可攷元和姓纂太原畢氏狀稱畢
諶之後唐滁州刺史畢誠生摻摻生正表正則正義正表生重
華緜州刺史生彥雄正義大理正當即遊江之族又李惟岳長
史畢華後事王武俊歷顯官未知是其親屬否又志云有仁人
焉有社稷焉仁人即人民古本論語此句作有人民焉不作有

民人焉梁書元帝紀大寶二年詔書所引可證蓋唐諱民民字
皆改為人而又嫌複舉人字故以仁代人可訂宋以後論語本
之誤又云遊宦不遂遂轉於茲降志辱身隱於城市則畢君乃
一市井之徒耳可見唐人無墓不志又志稱恒州為恒府州城
為府城攷恒州係大都督府唐人於諸州凡置都督府者多稱
某府唐碑中恒見之冰河鄉方志不載元和郡縣志載恒州開
元時有鄉八十七元和有鄉七十□其名皆佚此其一也沈海
貞石志

右墓誌道光九年出於白雀寺宜祿堂金石記著其目畢君兩
唐書無攷書法遒麗楊少師蓮花帖從所出也

汪鑒十二硯齋
金石錄

此誌並著錄於趙氏補訪碑錄水河鄉沈跋無致按平山縣志治河在縣西一里自井陘縣流至縣界湍激之聲可聞數里冬月不冰又旺妻河在縣西十五里泉甚煖隆冬不冰冰河鄉當距平山縣不遠言冰河者別於不冰河而言也據地圖平山縣在正定府西北與誌云府城西北政合

錫齡案正定府河即

古濟沱河漢光武為王郎所追至濟沱河以王霸言因冰得流冰河鄉得名或即以此